

# UGOVOR O JAVNOJ NABAVCI - OSIGURANJE OD OPŠTE ODGOVORNOSTI IZ DJELATNOSTI

## Ugovorne strane:

1. **KJKP "Vodovod i kanalizacija" d.o.o. Sarajevo**, ul. Jaroslava Černija br. 8., Sarajevo, koga zastupa v.d. direktor Azra Muzur, dipl.inž.građ. (u daljem tekstu: Osiguranik)  
i
2. **„Sarajevo Osiguranje“ d.d. Sarajevo**, Čobanija br. 14, Sarajevo, koga zastupa direktor Arif Kulić (u daljem tekstu: Osiguravatelj).

## I PREDMET UGOVORA

### Član 1.

Predmet ovog ugovora je nabavka usluga: **„Osiguranje od opšte odgovornosti iz djelatnosti“** a sve prema tenderskoj dokumentaciji br. 86/17 i usvojenoj ponudi broj: 01-2474/17 od 03.10.2017. godine, koja je sastavni dio ovog ugovora.

Ovim ugovorom regulišu se međusobna prava i obaveze ugovornih strana u pogledu osiguranja:

1. Odgovornost za štetu uslijed smrti bez učešća osiguranika u nadoknadi štete (franšize), povrede tijela ili zdravlja treće osobe, kao i njihovih stvari, nastalu iz djelatnosti osiguranika, tj.za sve štete građanima i pravnim licima za koje naša firma snosi zakonsku odgovornost, osim šteta pod tačkom 2.
2. Odgovornost za smrt, povredu trećeg lica bez učešća osiguranika u nadoknadi štete (franšize), kao i njihovih stvari koja je nastala iz djelatnosti osiguranika KJKP "Vodovod i kanalizacija" d.o.o. Sarajevo iz posjedovanja stvari iz pravnog odnosa ili određenog svojstva kao izvora opasnosti naznačenih u polici (dignuti - otuđeni poklopci sa revizionih okana, kvar na poklopcima usljed kojih je šteta nastupila, štete izazvane slijevanjem iskopa u trupu saobraćajnica i sl.).
3. Obavezu presuđenog iznosa po pravosnažnim presudama donesenim u postupcima po podnesenim regresnim tužbama protiv KJKP "Vodovod i kanalizacija" d.o.o. Sarajevo, za sve štetne slučajeve obuhvaćene ugovorom, a koji su nastali za vrijeme trajanja istog, bez učešća osiguranika u nadoknadi štete (franšize).

Pod trećim osobama se NE podrazumijevaju i vlastiti zaposlenici osiguranika osim za štete koje nisu vezane za obavljanje radnih zadataka za istog.

## II CIJENA

### Član 2.

Usluge koje su predmet ovog Ugovora vršit će se prema izdatoj polici osiguranja u kojoj su navedene sume osiguranja za svaki od rizika navedenih u članu 1. ovog ugovora.

Ugovor se zaključuje za period od 24 mjeseca od dana potpisivanja istog, a po osnovu police osiguranja gdje je navedena premija osiguranja koja je sastavni dio ovog ugovora.

### **Član 3.**

Usluge iz člana 1. ovog ugovora će se realizovati na osnovu podnesenih zahtjeva od strane Osiguranika, a na osnovu štete pričinjene trećem licu.

## **III NAČIN PLAĆANJA PREMIJE**

### **Član 4.**

**Ugovorena premija osiguranja za 24 mjeseca iznosi:133.000,00KM**

(slovima: stotnutridesettrihiljade i 00/100 KM).

Premija osiguranja se plaća u 24 jednake mjesečne rate, nakon dostavljanja mjesečne fakture sa odgodom plaćanja od 60 dana, na transakcijski račun Osiguravatelja broj 1990490106232022 kod Sparkasse banke d.d.

## **IV ROK ISPLATE ŠTETE**

### **Član 5.**

Osiguravatelj se obavezuje da isplati štete trećim licima u ime Osiguranika u roku do 7 dana po kompletiranju dokumentacije.

## **V OBAVEZE OSIGURANIKA**

### **Član 6.**

Osiguranik se obavezuje da:

- Izvrši obavezu iz člana 4. ovog ugovora,
- Prosljedi Osiguravatelju svaki podneseni zahtjev za naknadu štete koja se desi po osnovu osiguranih slučajeva navedenih u članu 1. pod tačkama a) i b) ovog Ugovora, i to u roku od 7 (sedam) dana od dana saznanja za istu.

## **VI OBAVEZE OSIGURAVATELJA**

### **Član 7.**

Osiguravatelj se obavezuje da:

- Izda police osiguranja,
- Izvrši sve obaveze prema usvojenoj ponudi iz člana 1. ovog ugovora,
- Ispostavi fakture po osnovu izdate police,
- Pismeno izvijesti Osiguranika o realizaciji svakog štetnog događaja, a mjesečno pošalje izvještaj o ishodu ukupno predatih zahtjeva,
- Da zajedno sa Osiguranikom izvrši procjenu nastale štete,
- Pismeno obavijesti treća lica o ishodu zahtjeva za naknadu štete u slučajevima kada se zahtjev za naknadu štete odbija.

## VII OSTALE ODREDBE

### Član 8.

Pružalac usluga nema pravo zapošljavati, u svrhu izvršenja ovog ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

### Član 9.

Sve izmjene ugovora mogu se izvršiti isključivo i samo uz pismenu saglasnost ugovornih strana. Eventualne sporove ugovorne strane će rješavati sporazumno u duhu dobrih poslovnih odnosa i uzajamnog povjerenja.

Ukoliko se sporazumno rješenje ne postigne nadležan je sud u Sarajevu.

### Član 10.

Ovaj ugovor stupa na snagu kada ga potpišu obje ugovorne strane a zaključuje se na period od 24 mjeseca od dana potpisivanja istog, **sa početkom osiguranja od dana potpisivanja ugovora u 24:00 sati.**

Ugovor je sačinjen u 6 (šest) istovjetnih primjeraka od kojih po 3 (tri) primjerka zadržava svaka ugovorna strana.

Sastavni dio ugovora su:

- Tenderska dokumentacija br. 86/17
- Usvojena ponuda br. 01-2474/17 od 03.10.2017. godine.

Za Osiguravatelja: 

Za Osiguranika:

v.d. Izvršni direktor  
za ekonomske i pravne poslove



Almir Pamuk, dipl.oec.

 Direktor

Arif Kulic



v.d. Direktor



Azra Muzur, dipl.inž.grad.



Broj: 01-26/18

Datum: 05.01.2018

Broj: 555/17

Datum: 28.12.2017